

132.

Na osnovu člana 66. stav 3. i člana 67. stav 3. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05) i člana 14. stav 1. Zakona o izvršavanju budžeta Zeničko-dobojskog kantona za 2009. godinu ("Službene novine Zeničko-dobojskog kantona", broj 5/09), Ministarstvo finansija Zeničko-dobojskog kantona, na prijedlog Ministarstva unutrašnjih poslova, d o n o s i:

O D L U K U

o prestrukturiranju rashoda u Budžetu Zeničko-dobojskog kantona za 2009.godinu

Član 1. (Predmet)

Odobrava se prestrukturiranje rashoda planiranih u Budžetu Zeničko-dobojskog kantona za 2009. godinu za Ministarstvo unutrašnjih poslova.

Član 2. (Način prestrukturiranja)

Prestrukturiranje rashoda vršit će se na sljedeći način:

- na razdjelu 15, budžetska organizacija 01, potrošačka jedinica 0001-Ministarstvo unutrašnjih poslova, rashodi planirani na poziciji 613900-Ostale ugovorene usluge umanjuju se za 30.000,00 KM

- na razdjelu 15, budžetska organizacija 01, potrošačka jedinica 0001-Ministarstvo unutrašnjih poslova, rashodi planirani na poziciji 613700-Izdaci za tekuće održavanje uvećavaju se za 30.000,00 KM.

Član 3. (Realizacija Odluke)

Za realizaciju ove odluke zadužuju se Ministarstvo finansija-Odsjek za planiranje i izvršenje budžeta i Ministarstvo unutrašnjih poslova, svako u okviru svojih nadležnosti.

Član 4. (Stupanje na snagu)

Odluka stupa na snagu narednog dana od dana

objavljivanja u "Službenim novinama Zeničko-dobojskog kantona".

Broj:07-14-31001/09

Zenica, 10.12.2009. godine

MINISTAR**Mirsad Šaranović, s.r.**

MINISTARSTVO UNUTRAŠNJIH POSLOVA

133.

Na osnovu člana 22. stav (3) tačka 3. Zakona o unutrašnjim poslovima Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 15/04, 11/05 i 9/09) i člana 58. stav (1) tačka b) Zakona o nabavljanju, držanju i nošenju oružja i municije („Službene novine Zeničko-dobojskog kantona“, broj: 19/09), na prijedlog policijskog komesara, ministar Ministarstva unutrašnjih poslova Zeničko-dobojskog kantona, d o n o s i

P R A V I L N I K O PROGRAM, NAČINU I TROŠKOVIMA RADA KOMISIJE ZA OCJENU OSPOSOBLJENOSTI ZA PRAVILNO RUKOVANJE, DRŽANJE I NOŠENJE VATRENOG ORUŽJA

DIO PRVI – OPĆE ODREDBE

Član 1. (Predmet)

Ovim Pravilnikom propisuje se program, način i troškovi rada Komisije za ocjenu osposobljenosti za pravilno rukovanje, držanje i nošenje kratkog vatrenog oružja i lovačkog oružja u skladu sa članom 10. stav (5) Zakona o nabavljanju, držanju i nošenju oružja i municije građana koji podnose zahtjev za izdavanje odobrenja za nabavljanje, držanje i nošenje vatrenog oružja i municije (u daljnjem tekstu: Program osposobljavanja), trajanje Programa osposobljavanja, način prijavljivanja polaganja ispita i izdavanje potvrde o položenom ispitu, troškovi osposobljavanja, imenovanje i sastav Komisije Ministarstva unutrašnjih poslova Zeničko-dobojskog kantona za ocjenu osposobljenosti za pravilno rukovanje, držanje i nošenje vatrenog oružja građana (u daljnjem tekstu: Komisija Ministarstva), vođenje evidencija i dr.

Član 2. (Ravnopravnost spolova)

Gramatička terminologija u ovom Pravilniku podrazumijeva uključivanje oba spola.

Član 3. (Komisija)

- (1) Komisiju za ocjenu osposobljenosti za pravilno rukovanje, držanje, nošenje oružja, na prijedlog policijskog komesara, imenuje ministar Ministarstva unutrašnjih poslova.
- (2) Dužnosti komisije iz stava (1) ovog člana su da:
 - a) vrši nadzor nad radom sportskih streljačkih organizacija sa područja Zeničko-dobojskog kantona o načinu osposobljavanja fizičkih lica, o tehničkom znanju za pravilno rukovanje oružjem i poznavanju propisa koji se odnose na držanje i nošenje oružja i
 - b) provodi ispit radi ocjene osposobljenosti za pravilno rukovanje, držanje i nošenje vatrenog oružja.
- (3) Komisija radi u sastavu od tri člana: predsjednik i dva člana, koji mogu imati zamjenike.
- (4) Predsjednik odnosno zamjenik predsjednika su stalni članovi komisije, jedan član odnosno zamjenik člana je posebno obučeni instruktor za oružje, a treći član odnosno zamjenik je zaposlenik iz nadležne policijske stanice.
- (5) Članovi i zamjenici članova Komisije Ministarstva se imenuju na vremenski period od dvije godine, a njihov mandat može se obnoviti više puta.
- (6) Administrativno-tehničke poslove za potrebe komisije vrši član odnosno zamjenik člana iz nadležne policijske stanice.
- (7) Za evidencije koje vodi komisija odgovoran je predsjednik komisije.
- (8) Predsjedniku, članovima i zamjenicima članova Komisije Ministarstva, za obavljanje poslova propisanih ovim Pravilnikom, pripada naknada koju određuje ministar posebnim aktom.

DIO DRUGI – PROGRAM OSPOSABLJAVANJA ZA PRAVILNO RUKOVANJE, DRŽANJE I NOŠENJE VATRENOG ORUŽJA

Član 4. (Sadržaj Programa osposobljavanja)

- (1) Program osposobljavanja sastoji se iz teoretskog i praktičnog dijela.
- (2) Teoretski dio Programa osposobljavanja sadrži upoznavanje sa propisima koji se odnose na držanje i nošenje oružja, a naročito:
 - a) prijava nabavke oružja,
 - b) zamjena vatrenog oružja,
 - c) prenos prava svojine, korištenje i raspolaganje vatrenim oružjem,
 - d) postupanje sa oružjem i municijom,
 - e) čuvanje oružja i municije,

- f) ograničenja u pogledu nošenja i davanja na poslugu oružja i municije,
 - g) postupak u slučaju gubljenja ili krađe oružja i isprava o oružju,
 - h) pronalazak oružja ili municije,
 - i) obaveza prijave promjene prebivališta,
 - j) oduzimanje oružja i municije,
 - k) popravljavanje i prepravljavanje oružja,
 - l) krivična djela i prekršaji,
 - m) kaznene odredbe, mjere sigurnosti i dr.
- (3) Praktični dio Programa osposobljavanja sadrži:
- a) namjenu, borbene osobine, glavne dijelove oružja (pištolja i revolvera iz člana 10. stav (5) Zakona o nabavljanu, držanju i nošenju oružja i municije), pravilno rukovanje, rastavljanje i sastavljanje oružja, zastoji i način njihova otklanjanja,
 - b) pripremu za praktičnu obuku s kratkim vatrenim oružjem (psihološka priprema za gađanje, stavovi za gađanje, tehnika nišanjenja i okidanja),
 - c) mjere sigurnosti prilikom gađanja iz kratkog vatrenog oružja i
 - d) praktično izvođenje gađanja (sa najmanje 5 ocjenskih metaka).

Član 5. (Prijavljivanje za osposobljavanje)

- (1) Nadležna policijska stanica vrši upućivanje građana na osposobljavanje za pravilno rukovanje, držanje i nošenje kratkog vatrenog oružja, u skladu sa odredbama Zakona o nabavljanju, držanju i nošenju oružja i municije.
- (2) Prijava za osposobljavanje po Programu osposobljavanja iz člana 4. ovog Pravilnika podnosi se registrovanoj sportskoj streljačkoj organizaciji na obrascu broj 1. koji je sastavni dio ovog Pravilnika.

Član 6. (Trajanje Programa osposobljavanja)

Program osposobljavanja, propisan ovim Pravilnikom, traje 5 nastavnih sati, od čega teoretski dio traje najmanje 1 nastavni sat.

Član 7. (Provođenje osposobljavanja)

- (1) Osposobljavanje građana po Programu osposobljavanja iz člana 4. ovog Pravilnika, vrši registrovana sportska streljačka organizacija sa područja Zeničko-dobojskog kantona.
- (2) O provedenom osposobljavanju iz stava 1. ovog člana, izdaje se potvrda, na obrascu broj 2. koji je sastavni dio ovog Pravilnika.

DIO TREĆI – OCJENA OSPOSOBLJENOSTI ZA PRAVILNO RUKOVANJE, DRŽANJE I NOŠENJE VATRENOG ORUŽJA

oružja, na prijedlog policijskog komesara, utvrđuje ministar Ministarstva unutrašnjih poslova Zeničko-dobojskog kantona, a snosi podnosilac zahtjeva.

**Član 8.
(Prijava za polaganje)**

- (1) Nakon dobijanja potvrde iz člana 7. stav 2. ovog Pravilnika podnosilac zahtjeva podnosi prijavu za polaganje ispita o osposobljenosti za pravilno rukovanje, držanje i nošenje vatrenog oružja nadležnoj policijskoj stanici.
- (2) Nadležna policijska stanica je dužna u roku od 5 dana dostaviti prijavu Komisiji Ministarstva iz člana 3. ovog Pravilnika.
- (3) Prijava za polaganje ispita iz stava (1) ovog člana podnosi se na obrascu broj 3. koji je sastavni dio ovog Pravilnika.

**Član 9.
(Način rada Komisije)**

- (1) Provođenje ispita o osposobljenosti za pravilno rukovanje, držanje i nošenje vatrenog oružja građana vrši Komisija Ministarstva iz člana 3. ovog Pravilnika.
- (2) Komisija, nakon provedenog ispita iz stava 1. ovog člana, sačinjava zapisnik, koji potpisuju predsjednik i članovi Komisije Ministarstva, koji treba da sadrži i konstataciju da li je podnosilac prijave položio ispit.
- (3) Građanin može ispit iz stava (1) ovog člana polagati više puta.
- (4) Ponovnom polaganju ispita građanin može pristupiti najranije 14 dana nakon polaganja prethodnog ispita.

**Član 10.
(Potvrda o osposobljenosti za pravilno rukovanje, držanje i nošenje oružja)**

- (1) O položenom ispitu o osposobljenosti za pravilno rukovanje, držanje i nošenje vatrenog oružja, nakon provedenog ispita, izdaje se potvrda.
- (2) Potvrdu iz stava (1) ovog člana, izdaje Komisija Ministarstva iz člana 3. ovog Pravilnika, a potpisuje predsjednik Komisije Ministarstva.
- (3) Potvrda o položenom ispitu iz stava (1) ovog člana izdaje se na obrascu broj 4. koji je sastavni dio ovog Pravilnika.

DIO ČETVRTI – TROŠKOVI I EVIDENCIJE**Član 11.
(Troškovi osposobljavanja)**

Troškove osposobljavanja i polaganja ispita osposobljenosti za pravilno rukovanje, držanje i nošenje vatrenog

**Član 12.
(Evidencija o osposobljavanju)**

- (1) Evidenciju o teoretskom i praktičnom osposobljavanju za pravilno rukovanje, držanje i nošenje vatrenog oružja vodi registrovana sportska streljačka organizacija.
- (2) Evidencija iz stava (1) sadrži sljedeće rubrike: redni broj, prezime (ime oca) i ime podnosioca prijave, jedinstveni matični broj, datum podnošenja prijave, datum pohađanja obuke i napomene i vodi se na obrascu broj 5. koji je sastavni dio ovog Pravilnika.

**Član 13.
(Evidencija o provedenom ispitu)**

- (1) Komisija Ministarstva iz člana 3. ovog Pravilnika, dužna je voditi evidenciju o provedenim ispitima o osposobljenosti.
- (2) Evidencija iz stava 1. ovog člana sadrži sljedeće rubrike: redni broj, prezime (ime oca) i ime podnosioca prijave, jedinstveni matični broj, datum podnošenja prijave, datum polaganja, položio (DA-NE), članovi Komisije Ministarstva i napomene.
- (3) Evidencija iz stava (1) ovog člana vodi se na obrascu broj 6. koji je sastavni dio ovog Pravilnika.

DIO PETI – PRELAZNE I ZAVRŠNE ODREDBE**Član 14.
(Stupanje na snagu)**

Ovaj Pravilnik stupa na snagu danom objavljivanja u “Službenim novinama Zeničko-dobojskog kantona”.

Broj: 08-01-02-1-1837-1/10
Datum: 22.03.2010. godine
Zenica

MINISTAR
Aziz Brotlija, s.r.

Obrazac broj 1.

IME I PREZIME _____
IME OCA _____
DATUM ROĐENJA _____
MJESTO I OPĆINA ROĐENJA _____
ADRESA STANOVANJA _____
JMB: _____
BROJ LIČNE KARTE _____
KONTAKT TELEFON _____

SPORTSKA STRELJAČKA ORGANIZACIJA

PREDMET: **PRIJAVA ZA OSPOSoblJAVANJE ZA PRAVILNO RUKOVANJE,
DRŽANJE I NOŠENJE VATRENOG ORUŽJA**

Na osnovu člana 5. Pravilnika o provođenju osposobljavanja za pravilno rukovanje, držanje i nošenje vatrenog oružja, („Službene novine Zeničko-dobojskog kanton“, broj:___/10), podnosim prijavu za osposobljavanje za pravilno rukovanje, držanje i nošenje vatrenog oružja.

Dana _____ godine upućen sam od strane policijske stanice _____, da u roku od 60 dana dostavim dokaz o osposobljenosti za pravilno rukovanje, držanje i nošenje vatrenim oružjem.

Uz prijavu prilažem slijedeće:

Mjesto i datum

Potpis podnosioca prijave

Obrazac broj 2.

(naziv i sjedište sportske streljačke organizacije)

Broj: _____

Datum: _____

Na osnovu člana 6. stav (2) Pravilnika o osposobljavanju za pravilno rukovanje, držanje i nošenje vatrenog oružja, („Službene novine Zeničko-dobojskog kanton“, broj:___/10), sportska streljačka organizacija _____, i z d a j e

P O T V R D U
O PROVEDENOM OSPOSABLJAVANJU ZA PRAVILNO RUKOVANJE, DRŽANJE I
NOŠENJE VATRENOG ORUŽJA

Dana _____ godine _____ završio je obuku
(ime, ime oca i prezime)

osposobljavanja za pravilno rukovanje, držanje i nošenje vatrenim oružjem u sportskoj streljačkoj organizaciji
_____.

Mjesto i datum

OVLAŠTENO LICE

Obrazac broj 3.

IME I PREZIME _____
IME OCA _____
DATUM ROĐENJA _____
MJESTO I OPĆINA ROĐENJA _____
ADRESA STANOVANJA _____
JMB: _____
BROJ LIČNE KARTE _____
KONTAKT TELEFON _____

POLICIJSKA STANICA _____

Na osnovu člana 8. Pravilnika o provođenju osposobljavanja za pravilno rukovanje, držanje, i nošenje vatrenog oružja, („Službene novine Zeničko-dobojskog kanton“, broj:___/10), podnosim prijavu za polaganje ispita o osposobljenosti za pravilno rukovanje, držanje i nošenje vatrenog oružja.

Dana _____ godine završio sam obuku po Programu osposobljavanja za pravilno rukovanje, držanje i nošenje vatrenog oružja.

Navesti podatak da li je podnosilac prijave već izlazio na ispit i datum posljednjeg izlaska: DA – NE (zaokružiti), dana _____ godine.

Uz prijavu prilažem slijedeće:

Mjesto i datum

Potpis podnosioca prijave

Obrazac broj 4.

**Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
ZENICA**

Broj: _____

Datum: _____

Na osnovu člana 9. stav 4. tačka c) Zakona o nabavljanju, držanju i nošenju oružja i municije (“Službene novine Zeničko-dobojskog kantona, broj: 19/09) i člana 11. stav (1) Pravilnika o osposobljavanju za pravilno rukovanje, držanje i nošenje vatrenog oružja, („Službene novine Zeničko-dobojskog kanton“, broj: ____/10), Komisija Ministarstva unutrašnjih poslova Zeničko-dobojskog kantona, za provjeru osposobljenosti za pravilno rukovanje, držanje i nošenje vatrenog oružja, i z d a j e

**P O T V R D U
O OSPOSOBLJENOSTI ZA PRAVILNO RUKOVANJE, DRŽANJE I NOŠENJE ORUŽJA**

Dana _____ godine _____, rođen-a
_____ (ime, ime oca i prezime)
_____ godine u mjestu _____, nastanjen-a u _____, adresa
_____ položio-la je ispit o

osposobljenosti za pravilno rukovanje, držanje i nošenje vatrenim oružjem pred Komisijom Ministarstva unutrašnjih poslova Zeničko-dobojskog kantona za provjeru osposobljenosti za pravilno rukovanje, držanje i nošenje vatrenog oružja.

Mjesto i datum

**PREDSJEDNIK
KOMISIJE**

Obrazac broj 5.

**EVIDENCIJA O OSPOSABLJAVANJU ZA PRAVILNO RUKOVANJE, DRŽANJE I
NOŠENJE VATRENOG ORUŽJA**

Red. broj	Prezime (ime oca) i ime podnosioca prijave	Jedinstveni matični broj	Datum podnošenja prijave	Datum pohađanja obuke	Primjedba

Obrazac broj 6.

EVIDENCIJA O PROVEDENOM ISPITU

Red. broj	Prezime (ime oca) i ime podnosioca prijave	Jedinstveni matični broj	Datum podnošenja prijave	Datum polaganja	Položio-la (DA-NE)	Članovi Komisije	Primjedba

.....